



COMUNE DE MARA

Provìntzia de Tàtari

DELIBERATZIONE DE SA GIUNTA COMUNALE N. 55 DE SU 29/07/2022

OGETU: SOGIORNU ESTIVU 2022 - ATU DE INDIRITZU A SU RESPONSÀBILE DE SU SERVÌTZIU SÒTZIU ASSISTENTZIALE

S'annu duamìgia e bintiduos, sa die bintinoe, de su mese de làmpadas a sas 18:25, s'est reunida in sa SEDE DE SA GIUNTA, posca de àere acumpridu a sas formalidades prevididas dae sa Lege de s'Istadu e dae s'Istatutu, sa Giunta Comunale suta de sa presidèntzia de su Presidente CHESSA PAOLO.

A s'apellu numenale resurtat:

CÀRRIGA	SAMBENADU E NÙMENE	PRESENTE
SÌNDIGU	CHESSA PAOLO	EMMO
VITZESÌNDIGU	MONNI CRISTINA	EMMO
ASSESSORE	SALARIS RICCARDO	EMMO
ASSESSORE	FIORI ANTONIO	EMMO

Presentes n° 4 Ausentes n° 0

Partètzipat su Segretàriu Comunale FALCHI ANTONIO MARIA, chi providit a redatzionare custu verbale.

Leat sa Presidèntzia su Presidente CHESSA PAOLO, chi reconnota legale s'adunàntzia, deccrarat aberta sa setziada pro trattare s'ogetu torradu a giùghere subra.

SA GIUNTA COMUNALE

PREMÌTIDU CHI:

- in su pianu esecutivu de gestione 2022 de su Setore Afares Sotziales de su Comune est prevìdidu, tra sos àteros, su servìtziu " Soggiornu Estivo";
- custu servìtziu cheret mantènnere o migliorare sas condiziones de salute, pro sos antzianos e non, e puru un'occasione pro s'ispassiare e de vacàntzia cunsiderada comente un'oportunidade pro favorèssere sa sotzializatzione e pro promòvere o afortiare ligàmenes de amigàntzia e de solidariedade de pare a pare a intro de sa comunidade locale;

CONSIDERADU CHI est intentzione de s'Amministrazione comunale protzèdere pro su 2022 cun unu "Soggiornu estivu e at sebestadu comente logu pro su viàgiu pro prus o mancu 5 dies s'Umbria, pro unu nùmeru màssimu de 20/25 pessones de acumprire in su perìodu de Cabudanni de c.a.;

BIDU su preventivu achisidu a su. prot. n.s n. 2560 de su 28.07.2022 trasmìtidu dae sa Dita TGAViaggi s.r.l – carrera 4 Novembre 6/c 35010 Limena (Padova) P.I/C.F n. 04636990287 cun su cale proponent unu soggiornu climàticu in sa Regione Umbria pro n. 5 dies, dae s'11 de cabudanni de 2022 a su 15 de cabudanni de su 2022 pro un'importu cumplexsivu de € **860,00** a pessone (escluida s'imposta de soggiornu de pagare in s'Hotel);

RILEVADU chi custu servìtziu cumportat sa partetzipatzione de sos imputadores a s'ispea cun una cuota che pare a su 60% (€ **516,00** a pessone);

CHI sa cuota de partetzipatzione che pare a su 40% (€ **344,00** a pessone) at a èssere garantida dae su Bilàntziu comunale;

RITÈNNIDU oportunu apostivigare chi sa cuota de partetzipatzione de sos imputadores de € 516,00 at a èssere versada a manera dereta a s'Agentzia Viàgios mentovada in subra chi s'at a interessare de totu su viàgiu;

BIDA, puru, sa netzessidade de providire a s'organizatzione de custu soggiornu climàticu a favore de sos residentes, cun sa possibilidade de istèrrere sa partetzipatzione puru a àteros sugetos, "non residentes", chi semper e cando ant a aderire paghende sa cuota intrea si bi diant èssere postos a dispositzione;

BIDA sa Delibera de su Consìgiu Comunale **n. 6 de su 14.03.2022** cun sa cale est istadu aprovalu su Documentu Ùnicu de Programmatzione 2022-2024 (DUP semplificadu);

BIDU su Bilàntziu de Previsione de sos Tres annos 2022-2024 – Esertzìtziu Finantiariu 2022, aprovalu cun Delibera de su Consìgiu Comunale **n. 7 de su 14.03.2022**;

Bidu su regulamentu de Contabilidade de custu Comune;

BIDA sa L.r. n. 4/1998 e sa L.r. n. 23/2005 chi prevìdint sa possibilidade de ativarre atziones de promotzione sotziale e de sotzializatzione a favore de sa comunidade intrea e de fàscias ispetzificas de populatzione (Antzianos, minores, famìllia e disàbiles);

ACHISIDOS, su parre a favore in òrdine a sa regularidade tècnica e contàbile de custa proposta de deliberatzione, espressados dae sos Responsàbiles de sos Servìtzios interessados cunforma a s'art. 49 de su T. U. E. L. n. 267/2000;

TOTU custu premitidu;

Cun votatzione a favore, espressada totu de acordu in sas formas de lege

DELÌBERAT

DE RECONNÒSCHERE chi sa premissa est parte integrante e sustanziale de custu atu e de cunsighèntzia:

DE AUTORIZARE s'organizatzione pro s'istiu de su 2022 de su soggiorno estivu in favore de sa populatzione de Mara (Antzianos, famìllias e disàbiles) e puru de sotzializatzione, a fora de indicatziones diferentes chi derivent dae sa normativa natzionale pro su chi pertocat s'emergèntzia dae Covid-19;

DE RECONNÒSCHERE chi su viàgiu s'at a fàghere in Umbria **dae s'11 a su 15 de cabudanni de su 2022** includu su pullman a dispositzione pro totu su viàgiu, hotel, màndigu in ristorante, guida, Politza Assegurativa etz, cun possibilidade de istèrrere sa partetzipatzione puru a àteros sugetos non residentes, chi semper e cando ant a aderire paghende sa cuota intrea s'est dàbile b'apat postos disponibles;

DE APOSTIVIGARE pro ogni partetzipante s'ingulu a sos soggiornos climàticos residente in Mara una cuota de partetzipatzione che pare a su 60% de su costu de su soggiorno (escluida s'imposta de pagare in Hotel);

DE APOSTIVIGARE chi sa cuota de partetzipatzione a càrrigu de su Comune de Mara at a èssere che pare a su 40% de su costu de su soggiorno pro onniunu pro un'importu cumplessivu de € 344,00;

DE DARE diretivas a su Responsàbile de su Servìtziu Sòtziu-Assistentziale pro definire sos atos netzessàrios pro s'organizatzione de su viàgiu in Umbria;

DE RECONNÒSCHERE chi sas resursas netzessàrias a sa cobertura finantziària de su servìtziu in ogetu, ant a èssere disponibles a su Capìtolu de ispesa 11725 de su Bilàntziu de previsionone pro s'annu 2022;

DE PUBLICARE custa deliberatzione in su giassu istituzionale de su Comune, setzione amministratzione trasparente, cunforma a s'art. 26 de su D.Lgs. n. 33/2013 e mm.ii.ii;

Cun àtera votatzione totu de acordu, espressada in sas formas de lege, deliberat de fàghere custa deliberatzione luego esecutàbile cunforma a s'art. 134, comma 4° de su D.Lgs. 267/2000 e mm.ii.ii

PARRE DE REGULARIDADE TÈCNICA

Su Responsàbile de su Servìtziu, cunforma a s'art. 147/bis de su TUEL 267/2000 e de s'art. 11 de su Regulamentu subra de sos controllos internos, in òrdine a sa proposta n.ru 422 de su 29/07/2022 espressat parre a **FAVORE**.

Parre firmadu a manera digitale dae su Responsàbile de su Servìtziu ISTR. DIRETIVU DONEDDU SABRINA in data 29/07/2022.

PARRE DE REGULARIDADE CONTÀBILE

Su Responsàbile de su Servìtziu, cunforma a su D.Lgs. 267/2000 art. 151 c. 4, in òrdine a sa regularidade contàbile de sa proposta n.ru 422 de su 29/07/2022 espressat parre a **FAVORE**.

Parre firmadu a manera digitale dae su Responsàbile de su Servìtziu CHESSA PAOLO in data 29/07/2022.

LÈGHIDU APROVADU E SUTASCRTU

Su Presidente
CHESSA PAOLO

Su Segretàriu Comunale
FALCHI ANTONIO MARIA

NOTA DE PUBBLICATZIONE N. 547

Su 05/08/2022 est publicada in s'Albu Pretòriu sa Delibera de Giunta n.ru 55 de su 29/07/2022 cun ogetu: **SOGIORNU ESTIVU 2022 - ATU DE INDIRITZU A SU RESPONSÀBILE DE SU SERVÌTZIU SÒTZIU ASSISTENTZIALE**

At a abarrare afissada pro 15 dies cunforma a s'art 124 de su T.U. 267/2000.

Esecutiva cunforma a sas dispositziones de lege in vigèntzia.

Nota de publicatzione firmada dae BUIONI ANGELA su 05/08/2022.